

BOSNA I HERCEGOVINA
FEDERACIJA BOSNE I HERCEGOVINE
UNSKO SANSKI KANTON
GRAD BIHAĆ
GRADONAČELNIK
Služba za upravljanje lokalnim razvojem

Odsjek za strateško planiranje i upravljanje projektima

Bihać;05.10.2017 godine

Z A P I S N I K

sa sastanka Sektorskog Tima Savjeta za ekonomski razvoj - TURIZAM, koja je održana 05.10.2017.g. u prostorijama gradske uprave Bihać.

Prisutni na sastanku:

Nijaz Lipovača, Načelnik Službe za upravljanje lokalnim razvojem,
Jasmina Beširević – član- predstavnik Službe,
Jasmina Čoralić – Načelnik Službe za budžet i trezor;
Alen Zulić – član- direktor JU Kulturni centar Bihać,
Ante Marjanović – predstavnik Ministarstva privrede USK
Lorena Felić – član- Razvojna agencija USK,
Anela Čavkić Hodžić –ADUNA d.o.o. Bihać
Muhamed Hodžić – član- ADUNA d.o.o. Bihać
Elvira Čatić-Kajtažović – član- predstavnica akademske zajednice

Za sjednicu je predložen sljedeći dnevni red:

1. Inicijativa za osnivanje Turističke zajednice Grada Bihaća;
2. Izrada srednjoročnog Programa razvoja turizma na području Grada Bihaća za period 2018 – 2020.g.
3. Prijedlog poticaja za razvoj privrede u 2018.g.
4. Ostala tekuća pitanja

Nakon što je usvojen dnevni red, sastanak otvara i vodi Načelnik Službe za upravljanje lokalnim razvojem, Nijaz Lipovača.

Prezentuje razloge za održavanje II sjednice Tima, sa posebnim osvrtom na prvu tačku dnevnog reda, o razlozima i potrebi osnivanja TZ Grada Bihaća, razlozima koji su doveli do ukidanja TZ-a općina u F BiH.

Nakon toga riječ prepušta svojoj suradnici, Jasmini Beširević koja će detaljno objasniti razloge za pripremu i davanje prijedloga Odluke o osnivanju TZ Grada Bihaća, na usvajanju Gradskom vijeću.

Prisutni su upoznati sa donošenjem Zakona o turizmu USK, kojim je dat mandat općinama/gradovima USK da osnuju svoje TZ-e. Članovima Tima je data kopija prijedloga Odluke o osnivanju TZ Grada Bihaća, koju je pripremila resorna Služba, dat je osvrt na razloge donošenja, potrebu planskog razvoja turizma, unapređenja turističke djelatnosti, ponude i različitih usluga, kao i promocije grada...Kao je jednako važno pitanje provedbe Zakona, imenovana je pomenula reorganiziranje ili osnivanje nove TZ USK, kako je to predviđeno Zakonom, donošenje podzakonskih akta, bez kojih se Zakon neće moći dosljedno primjenjivati, kao i intenzivniji rad nadležnih inspekcija na terenu.

Posebno pitanje u izlaganju i obrazlaganju predložene Odluke posvećeno je boravišnim taksama, koje se prema saznanjima Službe, godinama uopšte ili tek sporadično naplaćuju, a kako su nam interpretirali predstavnici resornog Ministarstva, oni nisu uopšte upoznati sa visinom sredstava ostvarenih po osnovu taksa, niti su općine/gradovi na području USK ostvarivali prihode po istom osnovu.

Sve izrečeno jesu dodatni razlozi da Grad Bihać organizaciju, razvoj turizma i svih privrednih djelatnosti koje doprinose poboljšanju i kvaliteti usluga u turizmu, ali i pitanje boravišne takse, naplate i namjene tih sredstava organizira na bolji i efikasniji način, a osnivanje TZ Grada će značajno tome pomoći.

Također su prisutni upoznati sa Zakonom o turizmu FBiH i Zakonom o boravišnim taksama FBiH, koji još uvijek, nakon što su 2014 godine proglašeni protuustavnim, iako su sporne odredbe izmjenjene, nisu prošli sve procedure do konačnog usvajanja.

Iz tog razloga je Ministarstvo privrede pripremio Zakon o turizmu USK, koji je usvojen polovinom ove godine, kako bi se izašlo iz ove situacije i problematiku unapređenja, kontrole i razvoja turizma, podigli na viši nivo, uključivši gradove/općine maksimalno u isto, te davši im zakonsku mogućnost za osnivanjem TZ-a.

Nakon ovog izlaganja otvorena je rasprava o prvoj tački dnevnog reda.

Alen Zulić je govorio o finansijskim problemima u kojima se trenutno nalazi Grad Bihać, novom zapošljavanju koje bi prouzrokovalo osnivanje, odnosno organiziranje nove JU. Smatra da nije neophodno osnivanje TZ kako bi se radili poslovi opisani Odlukom i da jednostavno nije vrijeme za nova zapošljavanja.

Nakon toga riječ je uzeo predstavnik preduzeća ADUNA d.o.o., koji je napomenuo da preduzeće nikad nije prestalo plaćati članarinu TZ USK ne znajući da to ne moraju, jer nisu bili obavješteni od resornog Ministarstva. Također, govorio je o podršci formiranju TZ Grad Bihać u smislu organiziranijeg pristupa ovoj oblasti, ali i provedbe Zakona u dijelu koji se tiče neloyalne konkurencije, bespravnih iznajmljivača i sl.

Ante Marjanović, kao predstavnik resornog Ministarstva se uključio u raspravu te izlaganje počeo sa činjenicom da je Bihać imao 50-god organizaciju - Turističku zajednicu, koja se bavila razvojem i unapređenjem turističke ponude grada Bihaća.

Nakon ukidanja TZ-a gradova/općina svi aspekti razvoja turizma, turističke ponude, usluga, manifestacija, sajмова se dešavaju stihijski i neplanirano, a prihodi koje bi lokalna zajednica trebala ostvarivati po osnovu noćenja i boravaka turista na područjima JLS-a su izostali.

Istaknuo je da Ministarstvo podržava svaku inicijativu gradova/općina USK da osnuju svoje TZ-e i veoma ga kako je izjavio, raduje činjenica da će Grad Bihać koji je imao tradiciju u tom smislu biti prvi koji će osnovati svoju TZ. U tom kontekstu je spreman kada Odluka bude na nekoj od sjednica GV da prisustvuje i eventualno pomogne Službi u odbrani te ideje oko formiranja TZ Grada.

Kako je dosta vremena ostavljeno raspravi o ovoj Odluci, dajući priliku da se pojasne neke od odredaba Zakona ili predložene Odluke, nije preostalo mnogo vremena za ostale tačke dnevnog reda, zbog čega je dogovoreno da, obzirom na jednaku važnost donošenje srednjeročnog Programa razvoja turizma, u skorije vrijeme bude zakazana III sjednica Tima, kako bi se raspravljalo o Programu i svim ostalim pitanjima koja budu predmet sjednice.

Sastanak je završen 05.10.2017 u 14,30h.